



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS
manè discutienda in Scholis Medicorum, die Martis vigesimātertiā
mensis Februarii, anno Domini M. DCC. LXXX.

M^o. PHILIBERTUS BORIE, Doctore Medico, Præside.

An simplicia pulmonum vulnera acie facta, solis Diatr. & venæ sectione sanentur?

I.

PULMO præcipuum corporis nostri organum velut machinæ
libramentum spectetur. Vitiato ipsius motu, viciatur & cordis motus,
viciatur sanguinis circulatio, viciantur functiones omnes. Ipsi inflictum

A

C. 40

vulnus fin lethale, saltem, periculosissimum. Impossibilis externa curatio. Elegantioribus digitis non datur aditus. Irrita sunt cujuscunque generis topica. Inutilis ipsorum - met Chirurgorum Parisiensium per totam Europam jure & merito celebrata dexteritas, non manu, non oculo, sed concilio opus est.

I I.

QUAE instrumentis secantibus infliguntur vulnera, periculi minus portendunt, ac quæ causam habent catapultam, sclopetum & quodlibet. Ubi nulla adest partium dilaceratio, ubi nulla substantiæ deperditio, exulat jam suppuratio. Id unum intendat Medicus, ut citam coagmentationem obtineat, solutumque adunet. Licet structa sit divinitus pulmonum substantia; licet aptissimi sint pulmones subundo muneri ipsis ab Autore Deo inposito, iisdem tamen quoad essentiam, partibus constant, ac moles aliæ corporis partes; membranis videlicet quæ venas & arterias utriusque generis, demumque nervos obvolvunt. Ergone, si secti sint peculiarem sibi curationem expostulant?

I I I.

PARTIUM coagmentatio opus naturæ & arcanum. Munere suo fungi nusquam recusat benigna illa mater. Qui ipsam à proposito deterreant, si qui sint, removendi tantum obices. Hos inter præcipui eminent Plethora, inflammatio, dyspnæa, tussis importuna, febris,

spirituum animalium motus irâ vel timore perturbatus, succorum crassities & acrimonia. Quæras ergò quibus auxiliis solidorum quieti possis consulere; humorum effervescentiam compescere, spirituum animalium motus sedare, fluida emendare. In promptu sunt venæ sectio & diæta.

I V.

UENÆ sectione deplentur vasa parciorem sanguinis copiam propellunt cor & arteriæ, minorem experiuntur renixum, minor itaque parietum dilensio, evanescit, si quis adest Eretismus, relaxantur fibræ, ad sese invicem accedunt, ipsarum quâcumque acie sectæ junguntur extremitates, & naturâ duce conglutinantur. Diætæ nomine, non omnium intelligas alimentorum abstinentiam, quin immò; sed ea feligas quæ simul medicamenta sunt & alimenta. Sint diluentia, levia, lenientia; his tùm solidorum, tùm fluidorum compescitur motus, spiritus animales sedantur, edulcorantur sanguis & lympha, denique obtinetur gluten ad partium coagmentationem necessarium.

V

MITTAS ergò thecam aperire; abstine à specillo, nunc quid prodest? Perniciosum est curiositatis instrumentum. In Thoracem si fluxerit sanguis, prescribatur Empyema, vel dilatetur externum vulnus alioquin illud penicillo obfera, ne penetret aër. Habitâ virium & symptomatum ratione iterùm & sæpius celebrentur venæ sectiones, eas si comitetur diæta punctum Archimedis attigisti, nec te pu-

deat. Conquerantur ignara plebs in lixerculæ exhaustas ægrotantis
vires, fufumque largâ manu cruorem; sine ipsas vociferari, age
quisque suam exercere debet artem.

Ergò simplicia pulmonum vulnera acie fucila, solis Dietæ & venæ sectione sanantur.

DOMINI DOCTORES DISPUTATURI.

M. Antonius-Petrus DEMOURS.

M. Ludovicus - Cyprianus DE
MONTAIGU.

M. Joannes - Carolus DESES-
SARTZ, Chir. gall. id. an. 1770-
71, U. Pharm. ann. 1775-76-
Prof. Salub. Facul. Decanus
an. 1776-79.

M. Joannes - Baptista - Adrianus
ROSE DE L'ÉPINOY Chir.
gall. M. Prof. desig. in an.
1789-90.

M. Philippus PETIT-RADEL.

M. Henricus RAIMOND.

M. Joseph, Franc. BOURDIER
DE LA MOULIERE, Phisiot.
& Path. Prof. designatus in
ann. 1789-91.

M. Renatus LOUCHE DES-
FONTAINES.

M. Antonius-Joannes-Baptista-
Maclovius GUENET, Chir.
lat. id. an. 1773-74. Chir.
gall. id. an. 1777-78. Prof.

proponerebat Parisiis, VINCENTIUS BENON DESCHASNES, Matisconensis;
Necnon saluberrimæ Facultatis Medicinæ, Baccalaureus.

Typis QUILLAU, Saluberrimæ Facultatis Medicinæ Typographi. 1790.